

dependencias administrativas do Concello de Guitiriz e na páxina web do Concello de Guitiriz (www.concellodeguitiriz.com), dirixidas á Sra. Alcadesa-Presidenta do Concello de Guitiriz, ou a través dos restantes medios admitidos legalmente, no prazo de presentación de instancias será de 8 días naturais, contados a partir do seguinte ao desta publicación no BOP de Lugo. A resolución completa coas bases da convocatoria pódese consultar na sede electrónica do Concello de Guitiriz e no taboleiro de anuncios.

Guitiriz, 7 de agosto de 2023.- A alcaldesa, Marisol Morandeira Morandeira.

R. 2615

MONTERROSO

Anuncio

INFORMACIÓN PÚBLICA

O Pleno realizado en sesión extraordinaria o pasado 14 de xullo de 2023 adoptou entre outros o seguinte acordo:

“O artigo 116 da Lei 7/85, do 2 de abril, reguladora das bases do réxime local e o artigo 59.2. c) da Lei 5/97, do 22 de xullo, de administración local de Galicia, establecen como órgano complementario de existencia perceptiva en tódolos concellos, a comisión especial de contas, á que corresponde o informe das contas anuais que preceptivamente deben renderse.

A referida comisión estará constituída por membros dos distintos grupos políticos da corporación, que terán unha representación proporcional á súa representatividade. A presidencia deste órgano municipal correspóndelle ó alcalde-presidente da corporación, de conformidade co artigo 21.1.c, da Lei 7/85, o artigo 61.1.c) da Lei 5/97, antes referidas, así como o establecido no artigo 125 do Regulamento de organización, funcionamento e réxime xurídico das entidades locais, en relación co artigo 127.

De conformidade co exposto propoño ó pleno do concello que adopte o seguinte acordo:

Primeiro.- Que a comisión especial de contas teña a seguinte composición, baixo a presidencia do sr. Alcalde:

- Dous representantes do grupo municipal Popular; D. Balbino Martínez Cordero e D^a Jessica Rodríguez Méndez
- Dous representantes do grupo municipal Socialista
- Un representante do grupo municipal Independentes por Monterroso
- Un representante do grupo municipal do Partido Galego de Monterroso
- Un representante do grupo municipal do BNG; D. Brais Vázquez Lamazares

Segundo.- As sesións ordinarias da comisión especial de contas realizaranse con periodicidade anual para o ditame da conta xeral, no día e hora que sinala o presidente”

Monterroso, 7 de agosto de 2023.- O Alcalde, Eloy Pérez Sindin.

R. 2616

POL

Anuncio

BASES E CONVOCATORIA DUNHA PRAZA DE PEÓN DE MANTEMENTO DO CONCELLO DE POL, AO ABEIRO DO PROGRAMA DE REFORZO DO EMPREGO, INCLUÍDO NO PLAN PROVINCIAL ÚNICO DE COOPERACIÓN COS CONCELLOS, ANO 2023.

BASE 1.- OBXECTO DA CONVOCATORIA

É obxecto desta convocatoria a contratación, desde o 1 de setembro de 2023 ata o 15 de novembro de 2023, de persoal laboral temporal, coa categoría de **PEÓN DE MANTEMENTO**, (mantemento de campos de fútbol, medio ambiente, xardíns e calquera outro que poida necesitarse e resulte compatible coa súa cualificación) do Concello de Pol, ao abeiro do PROGRAMA REFORZO DO EMPREGO 2023 (Financiado pola Deputación Provincial de Lugo), publicado no B.O.P Lugo nº 006, en data 09-01-2023.

BASE 2.- LEXISLACIÓN APLICABLE

A presente selección regularase polo previsto nas presentes bases e, no non previsto nestas, polo establecido:

- Real Decreto Legislativo 5/2015, de 30 de outubro, polo que se aproba o Texto Refundido do Estatuto Básico do Empregado Público.

- Lei 2/2015, de 29 de abril, do emprego público de Galicia.
- Lei 30/84, de 2 de agosto, de medidas para a reforma da función pública.
- Lei 7/1985, de 2 de abril, reguladora das bases de réxime local.
- Texto Refundido das disposicións legais vixentes en materia de réxime local, aprobado por Real Decreto lexislativo 781/1986, de 13 de xuño.
- Lei 5/1997, de 22 de xullo, da administración local de Galicia.
- Real Decreto lexislativo 1/2008, de 13 de marzo, polo que se aproba o texto refundido da Lei da función pública de Galicia
- Decreto Lexislativo 2/2015, 12 de febreiro, polo que se aproba o texto refundido das disposicións legais da Comunidade Autónoma de Galicia en materia de igualdade.
- Real Decreto 896/1991, de 7 de xuño, polo que se establecen as regras básicas e os programas mínimos a que debe axustarse o procedemento de selección dos funcionarios da Administración Local.
- Con carácter supletorio tamén se aplicará o Decreto 95/91, de 20 de marzo, polo que se aproba o Regulamento de selección do persoal da Administración da Comunidade Autónoma de Galicia no que non se opoña a Lei 2/2015, de 29 de abril, do emprego público de Galicia.
- Real Decreto 364/1995, de 10 de marzo, polo que se aproba o Regulamento Xeral de ingreso do persoal ó servizo da Administración do Estado e demais disposicións aplicables.

BASE 3.- RETRIBUCIÓN

As retribucións serán as correspondentes a un/unha peón do Concello de Pol.

BASE 4.- REQUISITOS XERAIS QUE DEBEN ACREDITAR OS ASPIRANTES

Os aspirantes deberán reunir, na data do remate do prazo para a presentación de solicitudes, os seguintes requisitos:

- a) Posuír a nacionalidade española ou a de calquera dos Estados membros da Unión Europea.
- b) Ter cumpridos 16 anos de idade e non exceder da idade máxima de xubilación.
- c) Posuír a capacidade funcional para o desempeño das tarefas asignadas ao posto.
- d) Estar en posesión do título de graduado escolar, ciclo formativo de grao medio ou equivalentes, ou estar en condicións de obtelo na data de terminación do prazo de presentación de instancias.
- e) Contar co permiso de conducir B.
- f) Estar en situación de desemprego ou de mellora de emprego. De acordo co establecido no último parágrafo do artigo 11.1 das Bases reguladoras do Plan Provincial Único de Cooperación cos Concellos 2023: *"É imprescindible que as persoas a contratar a través deste programa produzan novas contratacións no concello, polo que a situación ou procedencia dos candidatos debe provir de situación de desemprego ou de mellora de emprego con independencia de que a xornada laboral sexa parcial ou completa, quedando excluídos os custes de persoal referidos a traballadores incluídos no cadro de persoal vixente de concello."*
- g) Posuir o Celga2 ou equivalente, debidamente homologado, correspondente ao nivel de estudos esixidos para participar nas probas selectivas, segundo a Orde de 16 de xullo de 2007, pola que se regulan os certificados oficiais acreditativos dos niveis de coñecemento da lingua galega, modificada pola Orde do 10 de febreiro de 2014.

Todos estes requisitos deberán cumprirse o último día do prazo de presentación de solicitudes. Será nulo a selección como traballador/a dos que estean incursos en causas de incapacidade específica conforme a normativa vixente.

BASE 5.- PROCESO DE SELECCIÓN

OPOSICIÓN.

A.- Primeira proba.

De carácter obrigatorio e eliminatorio, consistirá nun exercicio de carácter teórico e/ou práctico sobre as materias do temario adxunto, que se desenvolverá no tempo máximo que ao efecto determine o tribunal.

Nesta proba, que se cualificará cun máximo de 10 puntos será necesario obter un mínimo de 5 puntos para superala e valorarase a competencia técnico-práctica dos aspirantes en relación ás materias do temario.

TEMARIO.

Tema 1.- A Constitución española de 1978: Dereitos fundamentais e liberdades públicas.

Tema 2.- A xardinería. O Césped. Ferramentas útiles para o traballo de mantemento.

Tema 3.- Sinalización vial en traballos de desbroce de cunetas.

Tema 4.- Albanelaría: tarefas desenroladas por un peón.

Tema 5.- Útiles e ferramentas manuais. Obras de albanelaría.

Tema 6.- Áridos, ladrillos: definición e tipos. Formigóns.

Tema 7.- Equipamentos deportivos do Concello de Pol: Instalacións deportivas municipais.

O aspirante que non supere esta proba non pasará á seguinte.

B.- Segunda proba.

-Un **segundo exercicio práctico**, de manexo de desbrozadora así como de mantemento dos mesmos, que en todo caso acreditará o manexo da maquinaria empregada para o exercicio das funcións do posto.

Esta proba terá carácter eliminatorio, e puntuarase de 0 a 10 puntos: para superalo deberá sacarse un mínimo de 5 puntos.

A puntuación máxima será de 10 puntos.

C.- Terceira proba.

De carácter obrigatorio e eliminatorio, estará dirixida a comprobar o coñecemento do idioma galego, polas persoas aspirantes da mesma, de xeito tanto oral como escrito, e que consistirá na realización dunha tradución dun texto, castelán-galego ou galego-castelán, ou contestación dun test, proposto polo Tribunal.

O tempo máximo para a súa realización será de media hora.

Esta proba cualificarase como apto ou non apto.

Porén ás persoas que acrediten o coñecemento da lingua galega con carácter previo (anexo I, 4 da Orde do 16 de xullo 2007, DOG do 30 de xullo de 2007, CELGA 2 ou equivalente daráselles por superada esta proba coa cualificación de apto.

BASE 6.- CUALIFICACIÓN FINAL

A cualificación final no proceso selectivo virá determinada pola suma das puntuacións obtidas nas distintas probas da fase de oposición, establecendo a orde definitiva de aspirantes aprobados.

Para o caso de empate na puntuación final establécense os seguintes criterios de desempate:

1º.- Terá preferencia a aquel/a aspirante que acadase unha maior puntuación na primeira proba.

2º.- De persistir o empate, terá preferencia o/a aspirante cunha maior puntuación na entrevista curricular.

3º.- Finalmente, se continúa o empate, e non resultase de aplicación a Lei de Igualdade efectiva, resolverase pola orde alfabética do primeiro apelido dos aspirantes empatados, dirimirase finalmente por orde alfabética de apelidos dos membros da bolsa empatados e iniciarase por aqueles cuxo primeiro apelido comece pola letra «U», atendendo ao disposto no Resolución do 22 de abril de 2022, da Secretaría de Estado de Función Pública, pola que se publica o resultado do sorteo a que se refire o Regulamento Xeral de Ingreso do Persoal ao Servizo da Administración Xeral do Estado, publicada no BOE número 114, de 13 de maio do ano 2022.

BASE 7.- SOLICITUDES

As persoas que desexen tomar parte na proba selectiva deberán facelo mediante instancia dirixida ao Sr. Alcalde do Concello de Pol, **dentro dos tres (3) días hábiles seguintes á publicación do anuncio da presente convocatoria no Boletín Oficial da Provincia de Lugo.**

A instancia deberá axustarse ao formato que figura como Anexo I das presentes Bases, achegando á mesma, fotocopia do DNI en vigor, permiso de conducir B, tarxeta de demandante de emprego ou documento expedido polo Servizo Galego de Colocación que acredite que o solicitante está en situación de desemprego ou na situación de mellora de emprego.

Aqueles aspirantes que teñan algunha capacidade especial poderán incluír solicitude de adaptación dos lugares de celebración dos exames. Para este caso, deberán de aportar certificación oficial da capacidade especial que lles afecta, expedida polo órgano competente da Administración Estatal ou Autonómica.

A presentación das solicitudes poderá facerse no rexistro xeral de documentos do Concello, ou en calquera das formas establecidas no art. 16 da Lei 39/2015, de 1 de outubro, do procedemento administrativo común.

Os aspirantes que presenten as solicitudes noutros rexistros diferentes ao Concello de Pol o nada sede electrónica deberán comunicalo no correo electrónico concello@concellodepol.gal no mesmo día da súa presentación.

BASE 8.- ADMISIÓN DE PARTICIPANTES

Rematado o prazo de 3 días hábiles o Sr. Alcalde ditará decreto aprobando a lista provisional de admitidos/as e excluídos/as, expresando as causas de exclusións. Esta resolución publicarase no taboleiro de anuncios e na páxina web do Concello de Pol.

De non existir aspirantes excluídos/as, o Alcalde Presidente poderá elevar a definitiva a lista provisional na mesma resolución de aprobación. A resolución establecerá, a efectos de subsanación de defectos ou omisións, e mesmo de reclamacións, un prazo de 2 días hábiles, contados a partir do seguinte ao da publicación sinalada.

Os erros de feito poderán emendarse en calquera momento de oficio ou a pedimento do/da interesado/a.

En dita resolución convocarase ao/a/s aspirante/s admitido/a/s para a realización das probas mediante a súa publicación no taboleiro de anuncios da Casa do Concello e na páxina web municipal.

BASE 9.- DESENVOLVEMENTO DOS EXERCICIOS DA OPOSICIÓN

A data, lugar e hora de celebración das probas da fase de oposición serán publicadas, no taboleiro de anuncios do Concello de Pol e na web municipal.

As diversas probas poden non respectar o prazo mínimo de 48 horas entre proba e proba, incluso realizarse varias no mesmo día, en todo caso, a data e hora de celebración publicarase na web municipal e no taboleiro de anuncios do Concello coa maior antelación posible.

Os/as aspirantes serán convocados para cada exercicio en único chamamento, sendo excluídos das probas os que non comparezan.

Deberán acreditar a súa identidade mediante a exhibición do DNI, permiso de conducir, pasaporte ou documento equivalente, no caso de estranxeiros/as, exhibición que poderá serlle requirida por calquera membro do tribunal no curso do desenvolvemento dos exercicios.

Concluído cada un dos exercicios da oposición, o tribunal fará pública, no taboleiro de anuncios do Concello de Pol, a relación de aspirantes que o superaron, con indicación da puntuación obtida. Os aspirantes non incluídos na lista terán a consideración de non aptos.

BASE 10.- COMPOSICIÓN DO TRIBUNAL

O tribunal constituirase por resolución da Alcaldía, que se publicará no taboleiro de anuncios e na web municipal. Os seus compoñentes pertenceran en todo caso a un corpo, escala ou categoría profesional para acceder ó cal se esixa titulación igual ou superior á esixida para participar neste proceso.

Estará composto por cinco membros: un presidente/a, un secretario/a e tres vogais.

O tribunal quedará integrado, ademais, polos respectivos/as suplentes que serán designados/as xunto cos titulares. Na composición do Tribunal respectarase o principio de composición equilibrada entre mulleres e homes.

Abstención e Recusación.

Os membros do tribunal deberán absterse de intervir, notificándollo á Alcaldía, cando concorran neles circunstancias das previstas no art. 23 da Lei 40/2015, do 1 de outubro, de réxime xurídico do sector público, ou tivesen realizado tarefas de preparación a probas selectivas, para a categoría convocada, nos cinco anos anteriores á publicación da convocatoria.

O presidente esixirá dos membros do tribunal declaración expresa de non estar incurso nas circunstancias establecidas no citado artigo.

Así mesmo, os aspirantes poderán recusar ós membros do tribunal cando concorran ditas circunstancias, segundo o disposto no art. 24 desta lei. 9.3.

Actuación do Tribunal.

O Tribunal constituirase na data que designe o Sr. Alcalde, entendéndose validamente constituído cando asista a maioría absoluta dos seus membros titulares ou suplentes, con presenza, en todo caso, do Presidente/a e do Secretario/a.

Na sesión constitutiva adoptaranse as decisións pertinentes para o correcto desenvolvemento das probas selectivas. A partires da sesión de constitución, o Tribunal, para actuar validamente, requirirá a presenza da maioría absoluta dos seus membros, titulares ou suplentes, e axustará as súas actuacións en todo momento ao disposto na Lei 39/2015, de 1 de outubro, do procedemento administrativo común das administracións públicas e ás bases xerais e específicas reguladoras da correspondente convocatoria.

O Tribunal resolverá por maioría de votos dos seus membros presentes tódalas dúbidas e propostas que xurdan a carón da aplicación das normas contidas nestas bases xerais e nas específicas, e estará facultado para resolver as cuestións que se poidan suscitar durante a realización das probas, así como para adoptar as medidas necesarias que garantan a debida orde naquelas en todo o que non estea previsto nas bases.

En caso de ausencia do/da Presidente/a titular e do/da Presidente/a suplente, actuará no seu lugar o vogal designado en primeira orde. Os seus acordos serán impugnables nos supostos e na forma establecida pola Lei 39/2015, de 1 de outubro, do procedemento administrativo común das administracións públicas.

O tribunal poderá dispoñer a incorporación ós seus traballos de asesores/as especialistas para as probas correspondentes dos exercicios que estimen pertinentes, limitándose os/as ditos/as asesores/as unicamente a presta la súa colaboración nas súas especialidades técnicas, con voz pero sen voto.

BASE 11.- RESULTADO DO PROCESO SELECTIVO

Concluído o proceso selectivo o Tribunal elevará a Alcaldía a proposta de contratación do aspirante que, tendo superado as probas da oposición, conte coa maior puntuación.

BASE 12.- PRESENTACIÓN DA DOCUMENTACIÓN ACREDITATIVA DO CUMPRIMENTO DOS REQUISITOS ESIXIDOS PARA ACCEDER A PRAZA

Cando se tramite a contratación da persoa seleccionada e no prazo dos 3 días hábiles seguintes a publicación do resultado do proceso selectivo, presentarán no Rexistro Xeral do Concello de Pol os documentos que se especifican seguidamente:

- 1.- Copia autenticada ou fotocopia do título esixido, ou do xustificante de ter aboados os dereitos para a súa expedición.
- 2.- Declaración xurada de non estar separado mediante expediente disciplinario do servizo de calquera das Administracións Públicas, nin estar inhabilitado para o exercicio de funcións públicas por sentenza firme.
- 3.- Fotocopia da cartilla da S.S.
- 4.- Nº de conta bancaria cos 20 díxitos.
- 5.- Certificado médico.

A omisión ou defecto emendable nalgún dos documentos anteriores dará lugar á concesión dun prazo de 3 días hábiles para a súa subsanación.

Quen tivera a condición de funcionario/a público/a de carreira ou persoal laboral fixo quedará exento/a de xustificar documentalmente as condicións e requisitos xa demostrados para obter o seu nomeamento ou contratación, debendo presentar certificación da Administración ou Ente Público do que dependan, acreditando a súa

condición e cantas circunstancias consten na súa folla de servizo.

BASE 13.- RECURSOS

As bases da convocatoria e cantos actos administrativos deriven das mesmas e das actuacións do Tribunal poderán ser impugnadas nos casos e forma establecidos pola Lei 39/2015, de 1 de outubro, de Procedemento Administrativo Común, así como segundo a lexislación reguladora da Xurisdición Contencioso-Administrativa. O Tribunal Cualificador queda facultado para a resolución de cantas incidencias e cuestións se susciten no desenvolvemento do proceso selectivo.

BASE 14.- PUBLICACIÓNS

Aos efectos de publicidade da presente convocatoria, realizarase a publicación en extracto no Boletín Oficial da Provincia de Lugo, publicación que servirá para o cómputo do prazo para a presentación de solicitudes de participación no proceso selectivo. Os restantes anuncios do procedemento selectivo serán publicados no Taboleiro de edictos e na páxina web do Concello de Pol.

ANEXO I.- SOLICITUDE PARA TOMAR PARTE NO PROCESO SELECTIVO DA CONVOCATORIA PUBLICADA NO BOP DE DATA.....

DATOS DA PRAZA QUE SOLICITO:

.....

DATOS PERSOAIS:

PRIMEIRO APELIDO:

SEGUNDO APELIDO:

NOME:

DNI:

TELÉFONO: MÓBIL: E-MAIL:

DOMICILIO COMPLETO AOS EFECTOS DE NOTIFICACIÓNS:

.....

EXPOÑO:

Que acepto as bases da convocatoria e reúno todos e cada un dos requisitos esixidos na convocatoria.

SOLICITO:

Participar no proceso obxecto da convocatoria citada, a fin de participar nas probas de selección correspondente, presentando a seguinte documentación (tachar o que proceda):

- Fotocopia do DNI, pasaporte ou tarxeta de residencia.
- Permiso de conducir clase B.
- Tarxeta de demandante de emprego ou documento expedido polo Servizo Galego de Colocación que acredite que o solicitante está en situación de desemprego ou na situación de mellora de emprego.
- CELGA 2.

(Asinado)

SR. ALCALDE DO CONCELLO DE POL

Pol, 8 de agosto de 2023.- O Alcalde, Lino Rodríguez Ónega.

R. 2623

QUIROGA

Anuncio

DON JOSÉ LUIS RIVERA CASTRO, ALCALDE- PRESIDENTE DO CONCELLO DE QUIROGA, EN USO DAS FACULTADES QUE ME ATRIBÚE A LEXISLACIÓN VIXENTE DITO O SEGUINTE DECRETO:

Facendo uso das facultades e competencias que para a organización da Corporación atribúenme o artigo 21 da Lei Reguladora das Bases do Réxime Local, os artigos 41, 43.3, 44 do Regulamento de Organización e Funcionamento e Réxime Xurídico das Entidades Locais (Real Decreto 2568/1986, do 28 de novembro) e o artigo 51 e 62 do Código Civil.

RESOLVO:

PRIMEIRO.- Delegar a competencia de autorización de matrimonio civil para a celebración do matrimonio entre D. Iván Pérez Rodríguez e D^a Lucía Delpont Rodríguez que terá lugar o día 13 de agosto de 2023 ás 12 horas na Casa do concello deste municipio de Quiroga, no concelleiro D. Vicente Parra Vizcaino.

SEGUNDO.- Notificar a presente resolución ao designado, sen prexuízo da efectividade desde o día seguinte da firma do presente decreto.

TERCEIRO.- Dar conta ao Pleno do Concello do presente Decreto na primeira sesión que se celebre.

Quiroga, 8 de agosto de 2023.- O Alcalde, José Luis Rivera Castro.

R. 2624

RIBEIRA DE PIQUÍN

Anuncio

Mediante acordo da Xunta de Goberno Local do Concello de Ribeira de Piquín, de data 28 de xullo de 2023, aprobáronse as seguintes bases e a convocatoria de axudas a empresas a través de incentivos á contratación temporal do alumnado do obradoiro dual de emprego "O Castro VIII":

"BASES PARA A CONVOCATORIA DE AXUDAS A EMPRESAS A TRAVÉS DE INCENTIVOS Á CONTRATACIÓN TEMPORAL POR CONTA ALLEA DO ALUMNADO TRABALLADOR DO OBRADOIRO DUAL DE EMPREGO, "O CASTRO VIII", PARA AS ESPECIALIDADES DE: "REPOBOACIÓNS FORESTAIS E TRATAMENTOS SILVÍCOLAS" E "OPERACIÓNS AUXILIARES DE ACABADOS RÍXIDOS E URBANIZACIÓN".

Artigo 1. Finalidade e duración dos incentivos á contratación por conta allea.

1. Os incentivos á contratación temporal por conta allea teñen por finalidade facilitar a empregabilidade e ocupabilidade das persoas participantes nos obradoiros duais de emprego, financiados a través da convocatoria 2022 de axudas e subvencións a obradoiros duais de emprego, pola Dirección Xeral de Orientación e Promoción Laboral, pertencente á Consellería de Promoción do Emprego e Igualdade da Xunta de Galicia.

2. O Concello de Ribeira de Piquín, xunto cos Concellos de Castroverde, Pol, Riotorto e A Pastoriza, está a desenvolver un obradoiro dual de emprego "O CASTRO VIII", sendo o Concello de Ribeira de Piquín o promotor representante.

O obradoiro dual de emprego "O CASTRO VIII" iniciou a súa actividade o día 19/09/2022 e remata o vindeiro 18/09/2023.

A Xefatura Territorial da Consellería de Promoción do Emprego e Igualdade, concedeu unha subvención por importe de 7.500,00 euros para incentivos á contratación, para as especialidades de "Repooboacións forestais e tratamentos silvícolas" e "Operacións auxiliares de acabados ríxidos e urbanización".

Anualidade	Nº de contratos	Importe subvención
2023	5	5 x 1.500 € = 7.500,00 €

3. A contratación temporal terá unha duración mínima de 3 meses.

4. A xornada da contratación temporal será a tempo completo.